



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

De numero mentiu[m]. C. 8.

urn:nbn:de:hbz:466:1-12918

Mens non participata, omninoq; prima, omnium cōsensu, vna est: an vero post eam dentur alię non participatę mentes, nō conueniunt Platonici. Nonnulli plures enumerant: quibus assentiri videntur Proclus, & Syrianus. Alij id renuunt, & solam vnam statuunt, non participatam mentem: vt Plotinus, & Porphyrius: quorum sententiam potiorem censeo; nam esse plures, nec ratio ostendit, nec usus ullus expicit. Mentes in anima participatæ, duplìciter considerari possunt, vel in se, vel ut ab anima participatæ: consideratæ in se, minimè distinguuntur; sed unitate sunt præditæ: consideratæ vero, ut ab anima sunt participatæ, tot sunt, quot sunt animæ: & de his vera est sententia Platonis, non inueniri mentem sine anima. Sic itaque participatæ mentes, & vna, & plures sine contradictione dicuntur: Propterea in modò Soli, modo Lumini dicūtur similes: cùm enim Sol sit unus, per varios radios in perspicuo receptos, modo aliquo redditur multiplex. Quomodo etiam mens participata ad non participatam se habeat, non vna est Academicorum sententia. Nonnulli censem eas minimè inter se substātia distingui, sed solum ratione, & modo sese habendi: vt Solis lux, & radij eius. Quam sententiam minus veram

censeo; quoniam exposita vniuersi plenitudo,
vt in potioribus reruin gradibus primò inue-
niatur gradus, & conditio rei eminens, sim-
plex, & seiuincta; mox alia aliis communicata.
Propterea à veriore in censeo sententiam oppo-
sitam, quod mens participata à non participa-
ta re, & substantia distinguatur: adeò vt mens
non participata sit, tanquam essentia Solis;
mens participata, dum in se consideratur, sit,
tanquam lux in Sole; dum vero consideratur,
vt participata, ac in anima recepta, propor-
tione respondeat radiis in perspicuo refulgenti-
bus. Insuper quoniam participantium anima-
rum conditiones variæ sunt; ideo & magis, &
minus mente participare dicuntur; vt perspi-
cuum magis, & minus purum, magis, & minus
luminis est capax. Ex quo constat, quomodo
intelligi debeat dictum Platonis in decimo de
Legibus, afferentis; Si anima intellectum di-
uinum acceperit, recte cuncta Diis recta, feli-
ciaque perducit; sin vero cum amentia iuncta
fuerit, omnia his contraria facit. Mens partici-
pata, quoniam sub nō participata collocatur,
ideo ea quoque composita iudicari debet: ad-
eo quod interna illa principia, communiaque
rerum genera, quæ vidimus primæ menti co-
uenire, etiam conueniant participatis menti-
bus; cum maiori tamen distinctione. Insuper
vt mens nō participata, felicitate fruitur; quia
proxime cum ipso bono, & uno iungitur: ita
participatæ mentes, felicē vitam viuunt; quia
iun.

junctæ cum prima mente, bonum, & vnum attingunt: & propterea dicuntur esse media, & nexus, per quos animæ cum primo principio fœlicissimè copulantur. Mens enim animam format, terminat, eleuat, & cum primo principio coniungit. Apud Aristotelem, ut nō reperitur distinctio inter animam rationalem & mentem; itaque neque inter non participatam, & participatam mentem. Simplicius vero cùm hæc etiam tribuat Aristoteli, longissime ab eius sententia recedit.

De Aeternitate, & æuo.

C A P. IX.

Deus, cùm sit principium eminentissimum, & supra ens; nec semper ens, nec mensura præditus, propriè dici potest. Mens vero, quæ Deo subiicitur, & est ens primum; rectè semper ens, & æternitas nuncupatur. Deus itaque est supra æternitatem, in mente primo resulget æternitas, cui in rebus mobilibus respódet tempus. Ut autem hæc clariū explicitur; de æternitate, & æuo, ex Academicorum sententia, aliquid dicamus: qua de re Theologi, Platonici, & Peripatetici vario modo loquuntur. Inquiunt Theologi Deo cōuenire æternitatem, Angelis æuum, quatenus sunt vitæ immortales, corporibus tempus: ita tamen, ut cœlo cōueniat non æternitas, sed sempiternitas quædam; quia semper seruandum est; mortalibus

E 5